



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1522395
ՎԱՐՉԱԿԱՆ ՎԱՐՈՒՅԹԸ ԿԱՍԵՑՆԵԼՈՒ ՎԵՐԱԲԵՐՅԱԼ

22 մարտի 2024թ.

ք. Երևան

ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով ֆիզիկական անձ Էդիկ Խաթոյի Խաթոյանի (ՀԾՀ՝ 1307000800) վերաբերյալ իրականացվող վարչական վարույթի նյութերը.

ՊԱՐԶԵՑԻ

ՀՀ ՊԵԿ ՀՕՀ վարչության պետի 25.01.2024թ. թիվ 1522395 որոշման հիման վրա ֆիզիկական անձ Էդիկ Խաթոյի Խաթոյանի նկատմամբ իրականացված օպերատիվ հետախուզական միջոցառումների արդյունքում պարզվել է, որ Ֆ/Ա Էդիկ Խաթոյանը 2023-ի հոկտեմբեր ամսից Ինստագրամ սոցիալական ցանցում «furs.fashion» կայք էջի միջոցով իրականացրել է հագուստի վաճառք, առանց պետական գրանցման կամ հարկային մարմնում հաշվառման:

Իրականացված ՕՀՄ-ի շրջանակներում Ֆ/Ա Էդիկ Խաթոյանի 19.02.2024թ-ի գրավոր հայտարարությամբ հաստատել է վերոգրյալը և հայտնել է, որ առանց պետական գրանցման և հարկային մարմնում հաշվառման ապօրինի ձեռնարկատիրական գործունեության արդյունքում ստացել է 600.000 ՀՀ դրամ եկամուտ:

Թիվ 1522395 արձանագրությամբ 22.02.2024թ. հարուցվել է վարչական վարույթ: Նշանակված վարչական վարույթի լուծման վերաբերյալ 26.02.2024թ-ին, փոստային ծառայության միջոցով Ֆ/Ա Էդիկ Խաթոյանին ուղարկվել է ծանուցագիր, սակայն վերադարձվել է չպահանջված նշագրմամբ:

Համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի՝ վարչական մարմինը պարտավոր է կասեցնել վարչական վարույթը, եթե՝ վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Հիմք ընդունելով վերոգրյալ հանգամանքը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով, ՀՀ ՊԵԿ նախագահի պաշտոնակատարի 31.08.2022. N 904-Լ հրամանով.

ՈՐՈՇԵՑԻ

Ֆիզիկական անձ Էդիկ Խաթոյի Խաթոյանի վերաբերյալ 22.02.2024թ-ի թիվ 1522395 արձանագրությամբ հարուցված վարչական վարույթը կասեցնել՝ մինչև սույն վարույթի արդյունքում ակնկալվող վարչական ակտի հասցեատիրոջն ի հայտ բերելը:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ԱՆԱՑԱԿԱՆՅԱՆ

